



CHANSON VAR SUJET AR C'HISIOU NEVE.

Var ton : *Cete me éru, va mignon.*

BREMA, pa meus eun tam amzer,
Pluen ha liou, eun tam paper,
Me gompozo hirie an de
Var sujet ar C'hizion neve.

Nep na gompren netra abet
Vo, marteze, eun tam choqet ;
Nep n'eus sqient ha talantchou,
O clêvet anê a c'hoarzo.

N'en devo den lec'h da facha,
Diouzomp oll e cozeàñ ;
Pepini'n devo e voqet :
Grit attantion, me ho ped.

Ar bed a zo selêrijennet,
Ar spez jou zo digoret ;
Eu amzer gos meus remerget
An dud voa muioc'h guenaouec.

En amzer gòs meus remerget
 Da vije da vont d'eur banquet,
 Qercoulz ar vam evel an tad,
 A yê d'ar banquet var o zroad.

Ha beza dêze qezeg mad',
 Voa güell gante mont var o zroad,
 Gant aoun na vije lavaret :
 Ar re-mâ zo n'em distinguet.

Red eo beza disqientet,
 Qemer poan vid espern qezeg!
 An dud zo bremâ muioc'h sur,
 A guemer o oll plijadur.

Bremâ, pa vent er marc'hajou,
 E ve gante paraphiou ;
 Ze a espern o dillat brao,
 Neus fors peguer bras ve ar glao.

Bremâ c'houi rânco consanti
 Eo presant speret pep-hini :
 Gouechal evel liboudennou
 E voa an dud er marc'hajou.

Bremâ zo eun economi,
 A ra plijadur en peb ty :
 Charabanniou o deveus grêt,
 A espern dê calz ar c'hezeg.

Gant eul loën seul e ve treinet
 D'ar marc'hat an dud hac an hed ;
 Deus ar glao e maint en abri ,
 O marc'hadourez coulz hac hi.

Amzer zo bet, eur melinaer
 En devoa pemp a guezeg caer;
 Gant unan seul e ra bremàn,
 Dre m'en deveus eur charabàn.

Ze ra deàn economi,
 Ar profit a chom en e dy;
 Arc'hant ha boued a chom gantàn ;
 Va bennos gant ar charabàn.

Goechal ar mignon p'errue
 Ebars en ho ty da vale,
 Mac'h erruje en eur c'höeza,
 En a gavje læz da eva.

Bremâ n'eo qet evel goechal
 Grêt e ve dê antren er zal;
 Ar güin côs hac al liqueuriou
 A ve servichet d'an autrou.

Bremâ, gant o habillamant,
 N'em distingont p'o deve c'hoant :
 Ober ze na ellont qet ès;
 Bisqa reont rac an dud qès.

Eun domestiq a ve güelet
 Qer brao hac e vestr accoutret :
 Petra zo caus a guementse ?
 O gobr ve en avanc gante.

Ar merc'het yaouanq a la fin
 A zo bet eon tam induoc'h fin :
 Dre eur c'hi ridicul meurbet
 Int a zo en eim distinguet.

E guis lapousset int güisqet;
 Diouesquel o deus, me a gred :
 Gigoyou a ve giêd anê ;
 Eur vez ê güelet aneze.

Ar zervicherez a gommanç
 Caout iveau eun tam decoranç ;
 Eur paraplu a ve ganti ,
 Qer fier evel pepini.

Goechal e voa n'eur vouniaden
 Nevfoa peb matez e steuen :
 Ennes a voa e zoaletten ,
 Ia en amzer ancien.

Ha bremâ merc'h eur c'hlasqer boed
 A zong voulous , franch , colinet.
 Eur chal , eur c'hoef dantelezet ,
 Ar c'haera ve possub cavet.

Eur plac'h yaouanq , amzer zo bet ,
 Ne gasse gourc'hemen abet ,
 Güella m'elle' patiente ,
 Qen a yê eur potr e bete.

Collet ê privilach an toc ;
 Ar plac'h a ya bremâ aroc ;
 Cass a ra e gourc'hennou ;
 Pa vel ne deu den var e zro.

Brao e zeo bea potr bremân ,
 Rac na vanq mann ebet deàn :
 Ar merc'hed yaouanq a ro dê
 Peadra evit o disfê.

Demeus a guær eur potr yaouanq,
 Mar car bea fur ha prudant,
 A rai eur fortun vad, mar car
 Monet var ar mèz da glasq par.

Bete m'en devo da vale
 Eur montr gantân eus e goste,
 Cetu-én bremâñ eon autrou
 D'ar re a zo bras o guenou.

Goechal e voa ar vêleyen,
 An noblanç, an dud a bluen
 A zougue montr en peb tachen,
 Ia en amzer ancien.

Bremâ, bete gant meveillen,
 Potret-saout ha qemenerrien,
 E velér pe montr, pe chaden.
 Collet eo ar c'hiz ancien.

Ar bla qenta ma temeont
 E ve ret dê goerza o montr
 Evit caout o nécessite :
 Et ar vanite a goste.

Daou pe dri blavez goude **ze**
 Cetu dê carg a vugale;
 An dillat caer a ve goerzet
 Evit caout d'o bugale boued.

Bremâ gant eur porpant lien
 En em gav goal faro an den;
 Eur c'hos bragou a ve gantâ,
 Losten e rochet o treina.

Ar vreg yaouanq e deus ive
 Eur gos cotillonen bemde,
 Hac bi quer lous hac ar pec'het;
 An diaoul en dour e deus güelet.

Amzer zo bet eur plac'h yaouanq
 A chomme pell ha sur ha coant;
 A chomme pell ha sur ha coant,
 Rac n'eve qet a vouin-ardant.

Bremâ n'en deo qet er guis-se :
 Ret e zeo heuill ar c'bis nêve;
 E forsion a ya ganti
 Qer latous evel peb hini.

Ar scoden, pa ve achuet,
 E fenn a ve batorellet,
 Ha pa ya evit mout d'ar guêr,
 E coll betec e davancher.

Eur potr yaouanq a ya ganti
 D'e c'hundai betec e zy,
 Hac bi leun a zour hac a fanc :
 Pebes enor d'ar potr yaouanq!

Goechal an hostalerion,
 Dreist oll epad an offiçou,
 A vije serret mat an nor :
 Bremâ e maint dre oll digor.

Bremâ, en nôs evel en de,
 C'houi a zo erri mad gante,
 Qen a vo hoc'h arc'hant lippet;
 Goude ermès e viot tolet.

Ar c'his zo bremâ evelse;
 Caer e zeus prezeg dêc'h var ze,
 Ne deufac'h qet furroc'h a ze :
 Ret eo dêc'h heuill ar c'his neve.

Va speret a zo trubuillet;
 Eun dra am boa c'hoas da laret;
 Fachiri a vo, marteze,
 Goude clêvet ar virione.

Amzer zo bet voa an enor
 Hac ar merit rê an decor;
 Bremâ na zeller qet ouz se :
 Antreit en ty, m'oc'h eus leve.

Bremâ eo ar binvidiguez
 A ve preferet alies
 D'an honestis ha d'ar furnez,
 Ha mar doc'h paour, chommit ermès.

Bremâ e zeus éur c'his neve
 Da elevi ar vugale;
 Vit o güelet oc'h ober fall,
 Arabad eo dont d'o zamal.

Pa reont eur mechancete,
 O zud a c'hoarz o velet se;
 Ar buguel a guemer e gre,
 Hac a ra falloc'h goude ze.

Ha pa vezò erru en oad
 Da c'honit eun draic benac,
 Mar fell d'e dud blam aneàñ,
 E vo ar rêson vad gantàñ.

Mar lar e dud deàn bremâ
 O zicour eun tam da veva,
 D'e dad, d'e vam vo respontet :
 Ma n'oc'h qet contant, baleet.

Pa vent en eur pardon benac,
 Ma velont o inam pe o zad,
 Mar deont evit comz gante,
 O deus mez o velet anê.

Mar goul unan benac oute :
 Ha c'houi hanavez an dud se ?
 E laront d'o c'homagnunez :
 N'anaveàn qet ar paour qèz.

Cetu aze an disprisanç
 Hac a ra da Zoue offanç,
 Dianzav tadou ha mainou
 Neus bet gante calz a boanniou.

F I N.



E Montroulez, e ty LÉDAN, Impr.-Libreri.